



3076

kalkomp.

22

II.

Mss. G.

P.


Encornia Divi Stanislai a duobus doctis-
simis viris conscripta (Simone Simonida)
et Petro Rogazio) opera et studio Stan-
slai Grochovii in lucem edita.

Crae. in off. Lazari. Basil. Skaloki,
1604.

AE POLON.

N. 41.

Biblioteka Jagiellońska



stdr0004140

599748

ENCOMIA DIVI STANISLAI

A

DVOBVS DOCTISSIMIS VIRIS CON-
scripta, duobus itidem Ill^{mis} Heroibus, alterum
Samueli olim, alterum nunc Bernardo
Cardinali, Macieiovijs, Episcopis
Cracouiensibus dicata.

OPERA ET STUDIO STANISLAI GROCHOVII
in lucem edita.

*Laudemus viros gloriosos & parentes nostris in
generatione sua. Eccl: 44.*



CRACOVIAE,

In Officina Lazari, Basilius Skalski,
Anno Domini, 1604.



Sum mitis, nemo timeat mea cornua iustus:
Illa bonis non sunt, sunt metuenda malis.

C. R. BIBL. 2076 II
VNI. IAGELL.
CRACOVIENSIS

ILL^{SSIMO} ET REVE^{DISSIMO} PRINCIPI D. D.
BERNARDO MACIEIOWSKI,

S. R. E. CARDINALI AMPLISSIMO,

EPISCOPO CRACOVIAN: DVCI

SEVERIENSI, &c. &c.

Domino & Patrono colendissimo,

STANISLAVS GROCHOVIVS

Felicitatem.

TAnta semper fuit maiorum nostrorum erga
D. Stanislavum, communis patriæ parentem &
Patronum religio, Illustrissime Cardinalis; vt non
modo priuata, vel publica negotia illius tutelę com-
mitterent: aut eius precibus, apud Deum conciliari
sibi gratiam expeterent: sed & laudes eius verbis,
scriptisque ornarent ipsi, vel ad has ornandas alios
excitarent. Multi propterea extiterunt, qui cum
vitam integerrimę & sanctissimę actam, magni hu-
ius Patroni; tum eiusdem pro honore Dei, ac pro
pulchra veritate, pulcherrimum & cōstantissimum
certamen, verę & splendide extulerunt. Inter hos
est & Petrus Royzius Hispanus, qui huius sancti vir-
tutes admiratus, in eius laudes excurrit; dicata Sa-

mucli patruo tuo opera, magno illi Cracòuiensium
Præsuli, qui in diebus suis tanquam stella matutina
refulserat in Domo Dei, & tanquam sol lucebat in
Patria. Protulit & nostra ætas tam præclari studij
æmulos, quos inter Simon Simonides magni inge-
nij, & excellentis doctrinæ vir, cum multa egre-
giè scripsisset, laudes quoque D. Stanislai suis Octo-
nariis summa verborum grauitate, & elegancia, ma-
gno rerum & sententiarum pondere, persecutus
est. Hos tibi, ipso præsertim scriptore annuente,
adiuncto & Royzii carmine, offerre potissimum pla-
cuit: cum quòd ei Ecclesiæ cum dignitate præes,
quam sanctus ille Martyr suo sanguine irrigauit: tū
quòd magni Patruì exemplo, non solum splendidis-
simis ingeniis, quale Simonidæ est, sed & mediocri-
bus delectaris: vt qui & meam quoque de huius
sancti vita, patria lingua lucubratiunculam, (quæ iis
diebus lucem aspexit) libenter videris & legeris.
Patiare itaque, Illustris: Cardinalis, ad gratulanti-
um voces, ad faustas acclamationes & carmina, que
quisque tuo amplissimo nomini addictus promit,
gaudens ex hoc augustissimo Cardinalatus tui ho-
nore, quo te nunc idem Clemens viij. Pontifex Ma-
ximus

ximus ornauit, qui ante annos aliquot B. Stanislai
sanctimoniam in vniuersum mundum ad omnem
posteritatem propagauit, has quoque duas lauros
adiici; me verò clientem tuum vt coepisti fouere &
tueri perge. Vale Illustrissime Cardinalis diu felix.
Crac: ex contubernio Iurisperitorum 28. Iul: 1604.



SIMON SIMONIDES

STANISLAO GROCHOVIO

S. D.

Mitto ad te, ut petijsti, Octonarios hosce: olim à me planè adolescentulo scriptos, musteum prorsus carmen, & dignum illa ætacula, quos ego, si ad gustum huius ætatis, in qua nunc sum, explorem, abijciendos potiùs, quàm tollendos puto: nihil enim in illis agnosco, præter pietatem meam. Sed quoniam à summis viris, qui apud Cracouiensem Ecclesiam sunt, probari atque expeti, & de eis ipsum Illustrissimum Principem Bernardum Macieioium, urbis eiusdem Episcopum, iam nonnihil inaudiuisse mihi significasti, vel contra iudicium meum, non possum illis esse non æquior. Tibi itaque dantur, tanquam bonæ Lucinæ; ut ex manu tua, vel lucem aspiciant, vel ad tineas redeant, cum quibus hætenus colluctabantur. Verùm hoc à te pro nostra amicitia peto: dum eos, ipsi Episcopo, diuinissimo atque humanissimo viro offeres; ut me quoque simul clientem, & eius virtutum admiratorem offeras. Vale. Ex prædio Cernecensi Kal: Iulij. Anno M. DC. IV.

Sanct:

SANCTVS STANISLAVS
EPISCOPVS.

IUSTITIÆ testem tres iam tellure sepultum
Æstates, præsul suscitât iste sibi.
Propter oues, pastor, rabidi cadit ense Tyranni,
Dum litat aeterno pane, meroq; Deo.
Nec satis hoc visum sceleris : non illa cruenta
Tygridis ingluuies sic satiata fuit.
Disicitur sectus per agros; sed nulla volucris
Ausa est tam sancti tangere membra viri.
Indicio radij caelestis frustra leguntur,
Concresecunt miro consolidata modo.
Terrea quando facit tam magni membra piorum,
Quanto animos foueat, credis, amore Deus?

CL. I.



OCTONARIVS III.

Anne iis, qui pectora
Tranquilliora nacti, alumni pacis, &
Concordiæ, vnam iustitiam studio
Exercere fideli
Pergerent, ad commoda
Non priuata adeò sua, vt suorum
Ciuium attenti, placidi, æquanimēs,
Non cupidi iacturæ alienæ,

OCTONARIVS IIII.

Pauperum æquè ac diuitum
Recti æstimatores, superbis asperi,
Iniuriosorum & mala agentum hominum,
Nequaquam tolerantes,
Non maligni mitibus,
Legum solliciti, Dei timentes,
Quos velut sacrum iubar aspicere
Cuncti aueant, & libero amore

OCTONARIVS V.

Diligant, soli mali
Exhorreant. donec stetit tandem mihi
Sententia hæc fixa, vt modicum melius
Iusto ausim memorare,
Ferreumque postputem
Æuum vulnificum, auræ quieto

Seculo astræ. tua enim tua me
Edocuit mens denique sancta,

OCTONARIUS VI.

Præfulum ô Stanislae
Selecte flos, Poloniae vnicum decus,
Qui postquam eam in sortem, haut sine consilio
Nutu cuncta mouentis
Numinis, vocatus es,
In qua olim Samuel stetit sacerdos,
Aut Natam, Regem hic cythara hymnifona
Nobilem apud, regem ille priorem,

OCTONARIUS VII.

Tu Boleslaum autem apud,
Cracouia in pulcherrima, Pastor bonus.
Non hoc sategisti, vt tumidus titulis,
Torrensque ambitione,
Cum satellitum grege
Regum purpureus perambulares
Atria, aut auri furiatus amo-
re improbo, egenos pauperum in vsus

OCTONARIUS VIII.

A pijs relicta auis
Dona, in crumenas conglobares perfidas,
Centum pauori vectibus oppositis,
Praua olim vnde nepotum

Gens, solutæ promeret
Vitæ materiam, & malè aggregata
Perderet peius, misero in strepitu
Luxuriæ, mensisq̄ue caducis.

OCTONARIVS IX.

Nil ei modi tibi
Gestum; neque superbiuit hæres de tua
Splendente gaza, at continuò officii
Concessæque supernè
Prærogatiuæ memor,
Vrbem te illicet esse cogitasti
Montibus summis positam, valido
Præsidio cuius, populi grex

OCTONARIVS X.

Omnis vltro fideret,
Securus à rabie luporum, & pabulis
Pollens abundè; nec minùs intercæ
Lumen te atque oculum esse
Principis tui, capi-
tis vicem regionibus qui in istis
Præferibat, ritè sciens, tenebris
Ne temerè obscuris titubaret,

OCTONARIVS XI.

Neuè secum cætera
Raptaret, incertus viæ, membra, aureo

Illi institisti pandere iter radio,
Iam vitæ aptè ad amussim
Lucida inocentia
(Quæ est certissima norma suasionis)
Fulgurans, iam flexanimis monitis
Igne que verborum rutilante,

OCTONARIUS XII.

Viuidam quassans facem;
Plerumque creperis fulminans incendiis,
Veri palàm audax proditor, & scelerum
Semper cognitor acer.
Ni sacerdos vera enim
Ausit dicere, fabitur quis? aut quis
Obstruet vim nequitia? aut solidum à
Non solido æqua lance reuellet?

OCTONARIUS XIII.

Fixa tùm Boleslao
Cupido nominis propagandi fuit,
Sceptri que auiti non patiens animus,
Verùm latius ardens
Regna frænare extera.
Non tam sollicitus, bonorum vt esset
Ciuum rector, numero quàm inhians
Et patulæ latè ditioni.

OCTONARIVS XIII.

Ergo bellorum siti
Bohemiã primũ, corona montium
Clusam penetrare aggreditur; media in
Tum parente Polonis
Regulũ Bohemicũ
Nactus Silesia, arua nostra fuso
Præmiantem milite, quem leo ceu
Feruidus, imbellem hinnulũ opima

OCTONARIVS XV.

Prata lasciuo pede
Temere impetentem, ipso illico aspectu in fugam
Ignobilem vertit, tacitũ, & tenebris
Noctis castra mouentem.
Insecutus mox eum,
Dum ex libidine non potest potiri
Rictũ hiantem vltor saturauit agris
In profugi prædaque Moraua.

OCTONARIVS XVI.

Laudem illi eo nomine
Tamen damus. nam bella, iusta causa quo-
rum est, quæque iniquam vim fieri prohibent
Vitæ aruisque suorum,
Seruitute aut barbara
Pressos eripiunt, crucisque Christi

Gloriam

Gloriam stratam reparant, moueat
Qualia si quis nunc domitorem

OCTONARIVS XVII.

In Tyrranum Græciæ,
His iure laus danda est sua, & diuinitus
Optanda merces, cætera si quo alio
Conatu iustituuntur,
Pessimis nil differunt
Latronum artibus, vt marinus olim
Prædo, prædoni orbis, Ego, inquit, inops
Lembo homines, tu classe trucidas.

OCTONARIVS XVIII.

Gens fidem deïn Prussica
Frangebat, excutere iugum Polonum auens,
Ac Pomeranum depopulabat agrum,
Prædis improbè onusta.
Iusta item Boleslao
Hæc sumpta arma in eam, nec absuit for-
tuna. vbi victoria dedocuit
Pondere in armorum, tunicisque

OCTONARIVS XIX.

Æreis, spem ponere
Gnauum Polonum militem, sed fidere
Dextræ expeditæ, & corporis egregiæ
Virtuti, ac leuitati;

Indeq;

Indeque exemplum datum
Armaturæ habilis diem hunc ad vsque.
Martium nostrorum animum Vngaria
Non minima mox clade, Tibisci

OCTONARIVS XX.

Littora experta est apud,
Boleslai pulcherrima cum gloria,
In Rufsiam vnde itum, quam animo penitus
Rex multo ante vorabat,
Castraque ad Kiouiam,
Vrbem tunc opibus fluentem & auro,
Luxui que obnoxiam (opum soboles
Quæ est genuina) admouerat, ista vrbs

OCTONARIVS XXI.

Vieta, vicit nos quoque.
Non id statim quidem, sed hamum esca velut
Tectum dolosa primitus obiiciens
Gustandum, nociturum
Post nimis, dentemque in os
Fixurum, siquidem lepore perce-
pto voluptatum, inter amæna loca,
Deses ibi æstatem atque hyemem rex

OCTONARIVS XXII.

Traxerat cum milite,
Ad turpe totus prostitutus otium:

Cor foeminarum forma auidum satians,
Structurifque epularum
Haud viriliter fauens.
Mens mî pendet, eamne inesse dicam
Vim voluptati & rigidissima quæ-
que vt sibi possit corda virorum

OCTONARIVS XXIII.

Blanditer substernere &
Prauæ anne mentes solùm ad illam, grex velut
Muscarum odorem ad mulsi alacri strepitant
Ala, hærent que retentæ &
Quem momordit vipera hæc
Nunquam, proximus hic Diis : nec ille
Prorsus infelix, saniam penito
Qui potuit corde expuere haustam.

OCTONARIVS XXIII.

At perennat pestis in
Quo, is vero viuit omnium miserrimus.
Ex tertio isto (proh patriæ opprobrium
Foedum) coetu vtinam tu
Non fores Boleslae.
Posses sic vtinam imperare telo
Prauо amoris, prælia vt indomitus
Dux simul & miles probè obibas.

OCTONARIVS XXV.

B

Sed

Sed pusilla hæc remmora
Fortissimam mentis tuæ cepit ratem,
Merfit que, non id protinus, at spatio
Post non longo. etenim haustus
Fluctibus ceu qui est, ope
Natandi manuum que destitutus,
Iam licet languens pereat, rapia-
tur que maligno pondere ad ima,

OCTONARIUS XXVI.

Vltimum robur tamen
Vsque excitat, aquis emicans identidem.
Lasciuia, sic mens tua rapta semel
Vndis, quanquam ope profum
Destituta omni, tamen
Maiori reditura nempe mole
Fluctuum in fundum, emicuit, loca que
Deseruit paulisper iniqua.

OCTONARIUS XXVII.

Nam retro Præmissiam
Cincturus obsidione abiisti, inde item
In proximam iuxta Vngariam exiliens,
Hic que illic que secundo
Rem alite egisti, simul
Virtutis statuens trophæa, miran-
dam simul laudem referens celeri-
tatis, vt Audacis quoque nomen

OCTONARIUS XXVIII.

Publicum ferres, fatis
Beatus, ad Kyouiam reciproco
Inflexu habenæ, præcipitem nisi te
Rursum fors reuocasset.
Profuit semper mali
Declinasse alimenta blanda morbi,
Et loci plerumque noui facies
Restituit iam iam moriturum.

OCTONARIUS XXIX.

At tu in ardentem prope
Flamman dedisti denuò saltum, doli &
Tabis locorum non memor, aut etiam
Pronus sponte sequaxque.
Res fidem est omnem supra
Nec accepta memoria vlla auorum;
Omnis electissima nobilium,
Quotquot opimo tum vbere glebæ

OCTONARIUS XXX.

Vitam alebant Lechicæ,
Cum rege bellatore latè iuit cohors,
Munitiones Volhinia populans,
Rusis que vltima necens
Vincla, septenos que ibi
Coniugum que domus que liberum que

(Tantus armorum ossibus arsit amor)
Immemores hæfere per annos.

OCTONARIUS XXXI.

Ipse Rex vel maximè
Kyouicis iterum illecebris redditus,
Roburque sensim militis, indecori
Exemplo, rapiens ad
Criminis commercium
Idem. Nam pede præuio quâ iter Rex
Primus incesit, populus subitò
Impete denso illûc amat ire.

OCTONARIUS XXXII.

Non laboriosa apum
Quæis certa sedes aluearis condita est
Examina aufint deterius, proprio
Si spreto lare, victu
Se efferent erroneo,
Expugnent que aliena, in extero que
Hæreant, oblitæ operum, & veteris
Hospicii, foetusque relictæ.

OCTONARIUS XXXIII.

Sed rates vt nauita
Vnus duas remis simul propellere
Non est potens, quin hanc moderans, aliam
Ventis ludibrium det:

Occu-

Occupati sic foris
Dedêre ancipiti domos ruinæ.
Ac leuem primùm arripuit stipulam
Ignis edax, grassatus inermum

OCTONARIVS XXXIIII.

In pudorem coniugum,
Tori que sâpimenta. neque id iniuria,
Namque est morarum non patiens mulier,
Tum vltrix sœua, fidem nî
Seruet olli vir suam.
Fama qualia multa inaudiebant
De suis: atque hinc sceleris similem ad
(Pro dolor) ærumnam exiluêre,

OCTONARIVS XXXV.

Atque adulter accitus
Vicem in mariti. itidem audientibus viris
Non admodùm hæc accepta fuêre, etenim
Nequam sit licet ipse
Vir, tamen vicarij
Nequaquam est tolerans. doloris ergo
Inuicem læsi grauibus stimulis,
Per media vrgentis quoque brumæ

OCTONARIVS XXXVI.

Frigora altas & niues
Incendium ad domesticum, pernicious

Fusim frementes emicuere in equis,
Iuuito atque vetante
Rege, & atroces minas
Attolente, adeo vt subinde cunctis
Ad sua elabentibus, ipse quoque
Ad sua sit migrare coactus.

OCTONARIUS XXXVII.

Plenus irarum, & siti
Magnæ vltionis feruidus, torrens velut
Amnis, quem ab altis montibus immodicam
Vim vndæ præcipitantem,
Machinis ac molibus
Iactis, agricolæ amouere certant.
Ille victis omnibus aggeribus
It populans læta arua fataſque

OCTONARIUS XXXVIII.

Spes boum & mortalium:
Quid ? principum fortissime, quid ? auditane
Vnquam tibi vox Romulidæ egregij ?
Qui se malle ferebat
Ciuium vnum ſospitem
Seruatum dare, mille quam peremptos
Hostium ? flammæ anne modo, imperia
Quæ que vorando ampliſſima, reris

OCTONARIUS XXXIX.

Te beatum & munere
Functum tuo & quæ vnâ simul domum attigit,
Vicina sorbens culmina continuo,
Tota incendia mittit
Vrbe, nil post se, horridam
Præter vastitiem, nigrum que fumo
Rudus, & fœdas cineris miseri
Reliquias, luctum que relinquens.

OCTONARIUS XL.

Nulla enim maiora sunt
Incendia humani generis, absumpta quam
Morum atque legum sobrietas, odium &
Virtutis, neque Princeps
Sceptra habet diuinitus
Vlla ex causa alia, quam vt optimos &
Incolas, quondam superum patriæ
Euehat, iniunctos sibi ciues.

OCTONARIUS XLI.

Nec tam honos quam onus mage est,
Rempublicam qui sustinet: pensanda que
Mens rite, quo quid proposito aggredimur,
Dextrone an ne sinistro,
Iacta nec fundamina
In mera ambitione, sustinere
Pondus, aut structuram aliquam eximiam
Conspicua possunt rationis.

OCTO.

OCTONARIVS XLII.

Tetra quæ porro sunt
Dictu, abstinence, habenam enim linguæ haut decet
Laxare ad obscæna. illud agam expediens
Duntaxat, quibus actus
Non bonis factis, bonus
Præsul, cui memorem ferens honorem
Pango dicta hæc qualiacunque hodie,
Post habuit Mauortia quæuis

OCTONARIVS XLIII.

Gesta felicissima
Tua, & triumphos quosque splendentissimos,
Gentesque regno, & multiplices populos
Partos fortibus ausis.
Rideant hoc plurimi,
Sed vulgus preciosa quæ æstimauit,
Mox refutat vir sapiens. quis enim
Maxima post tot functa duella,

OCTONARIVS XLIV.

Post tot insignes rela-
tas hoste non de vno palam victorias,
prouinciarum postque tot accumula-
tas circum ditiones,
Crimen vnus frequen-
tatum adulterij, aut fori remissum

Iure

Iure dicundo officium, aut solitum
Præter auara exacta tributa.

OCTONARIUS XLV.

Hæc quis, inquam, strenuo
Vsq̄ue ad eò regi sponte non concederet ?
Aut non putaret magnanima omnibus his
Gesta eius potiora ?
Solutus hoc Stanislaus
Non sensit, propè tantum opinione
Discrepans vulgi, iaculator habi-
lis, posito qui spicula signo

OCTONARIUS XLVI.

Certa figit, quantum abest
Ab eo, qui in auras mittit incassum, inscius
Metæ expetitæ, sed temerè iaciens
Ludo falsus inani.
Bella enim considerans
Pacis sine geri, & bonum à Tyranno
Principem hoc distare, suos spoliet
Hic ut, & istum in maxima quæque

OCTONARIUS XLVII.

Facta dirigat scopum,
Illustris ut foris, timendus sit domi,
Passimque quouis se saturet scelere,
E contra ille salute

Nil suorum antiquius
Ducat, nil mage curet, hostibus quam
Ut fit horrore, domi amorem habeat,
Nec stadio vnquam excedat honesti.

OCTONARIUS XLVIII.

Tum seuerè gentium
Ipsum Magistrum edicta pangentem audiens,
Infidi & execrabilis in loco habendum,
quem cura suorum
Non penetret, tantùm abest
Ut prædam statuat suos sibi quis.
Veritatis præterea indubia
Voce palam promendæ & habenis

OCTONARIUS XLIX.

Insolentiæ opprimenda,
publicum munus sibi meminens datum,
Dextraque pastorale pedum gerere,
Non solius honoris
Aurei ergo, se extimans,
Verùm ob vitam ouium, & necem luporum,
Liber inconcusso animo facinus
Orfus in omne æuum memorandum.

OCTONARIUS L.

Regis illico forem
Adit, grauiaque multa dictu, illius in

Aurem

Aurem intimam profatur, honorificè
Primùm abducere captis
Tristibus secretum auens,
Vt qui non faceret calore quoquam
Oggerendæ ignominia, potius
Publicæ opis fluxæ recreandæ,

OCTONARIVS LI.

Regiæque dignita-
tis in suum decus reponendæ. placi-
dos quippe, lenesque esse pedes voluit
Vitæ ipse optimus auctor
Nuncia edentùm sua.
Non semper quidem id, ad flagella quando
Ipsemet dextram tulit acrem aliàs
Res vbi verbis nequirit vltro

OCTONARIVS LII.

Decidi salubribus.
Quod pertinaciter Boleslaus quoque
Pertendit, indignantem vbi que obiiciens
Dicitis præfulis aurem,
Ferreumque exasperans
Cor. chalybs velut, ardor æstuantis
Quem camini vi calida immodicè
Imbuit, humentem properè si

OCTONARIVS LIII.

Forcipe intinguatur in
Scrobem, sonoro se trucidat protinus
Clamore, & haurit duritiem indomitam,
Clara feruidus vndas
Turbulentia increpans.
Idcirco tamen haut remisit ille, at
Perseueravit, repetens iterum
Atque iterum, crebrò & congrua fandi

OCTONARIVS LIIII.

Tempora vsurpans catus.
Donec bonis nil profici dictis videns,
Ad duriores ferior vsque etiam
Sese contulit artes,
Intonans ardentibus
Præceptisq̃ue minisq̃ue, publicoq̃ue
Plurimum coram facie opprobrio.
Denique, deplorata quod olim

OCTONARIVS LV.

Ultimi demum vice
Remedi aduocari in corda solet, Ecclesie
Consortio almo in decorem prohibet,
Arcetq̃ue omnibus aris,
Templaq̃ue in silentium
Dat, dirisq̃ue caput sacrum esse mandat.

Hic mihi hic te expergeface, ô anime,
Hic noua fulcra, alasque recentes

OCTONARIVS LVI.

Indue, ipfas sub poli
Nubes fecuture, arduam, fortiffimam
Mentem, caduca hæc, nata neci, omnia, ni-
fu excelfo exuperantem,
Veritate proque pul-
chra oblitam decoris que sanguinis que.
Prodigam que vltro venerandæ animæ, &
Spontè timores obuiam in omnes,

OCTONARIVS LVII.

Vnico sub numinis
Timore. fed non ante portu te tuo
Confitere eft fas, quam geminum focias
Coepo pollice honorem,
Rufficæ ad lyre fidem,
Infignem Ambrofium fimul frequentans,
Atque eadem ex forte Theodofij
Concelebrans fastigia preffa,

OCTONARIVS LVIII.

Dispari euentu. neque
Enim negotium eft fimile tractabilem
Verfare ceram, & tundere vim manuum
Cautem altè renuentem,

Arduis superbia
Non semper volitat locis, frequenter
Nidulatur sede minore etiam,
Palliaque inter sordida turget.

OCTONARIUS LIX.

Conferat Boleslaum
Quis cum Theodosio, ille formicas erit
Inter, leonum hic in numero, dominus
Quâ sol aspicit orbis.
Mentis at submissio
Tanta, vt de grege plebis esse dicas.
Pœnitentum in turba humilem, sceleris
Lugubriter commissa piantem.

OCTONARIUS LX.

Aufus indignum nefas
Nam cùm esset, innocente sanguine imbuens
Ensem cruentum, non tulit Ambrosius
Auso impune potiri,
Verum adulta fortiter
Confestim obstitit increpatione,
Factum in os vsque improperans, aditu-
que eiiciens & limine templi.

OCTONARIUS LXI.

Omnibus non digna ea
Tum visa, solum principem præter, hominem

Qui

Qu i se pufillo vel nihilo potius
Maiorem meminerat
Cæt eris ; porrò Dei
Ministrum Ambrosium videbat, esset
Cui potestas interimendæ animæ
Credita, quam ipse in corpora haberet.

OCTONARIUS LXII.

Tùm quod vrgebat magis
Constabat Ambrosii integerrima mens apud
Illum, remota omni ambitione, siti
Nulla auri temerata,
Non adulando procax,
Non infracta timore, veritatis
Sed tenax iuxta atque sciens, superum
Ad placitum intentissima vbi que.

OCTONARIUS LXIII.

Ergò foecundæ velut
Terræ solum, quam triste præfferat gelu,
Præteruolantem almi ad Zephyri sonitum,
Molli continuo aura
Se resoluit, & sinu
Vigorem genitabilem refundit,
Lata vernanti vberè & omnigenum
Lux urians in floris honorem.

OCTONARIUS LXIV.

Inclytum

Qui

Inclytum Theodosj
Sic pectus, aspra non nihil vitii hyeme
Pressum, salubrem ad fortia per monita
Flantis praesulis auram,
Protulit vernans decus,
Fructusque ingenuos dedit doloris,
Floridum late vberibus lachrimis
Inque nouum virtutis amorem

OCTONARIVS LXXV.

Transditum; vt sententiam
Relinquat in suspensio, vter locum occupet
Laudis priorem, magnanima anne adeo
Libertate sacerdos
Tantum agens in principem
Princeps anne adeo se obedientem
Adstruens illi. paribus veniant
Anne trophaeis ambo colendi

OCTONARIVS LXXVI.

Rariorem Phoenice
Nullam alitem aether nutrit: ast ei modi
Regis sacerdotisque minus locuples
Multo copia prompta est,
Indies mortalium
Vita in deterius ruente. Quid dum
Quid mihi motu micuisti anime
Insolito quis te pavor anceps

OCTONARIVS LXVII.

Transmeat & quæ degener
Externat hæsitatio ? iamiam hicce te
Rerum institutis suescere non leuibus
Vultu peruico oportet,
Iam pati non mitia.
Non omnes eadem fauentia effert
Numinis; non, si Ambrosius potuit,
Isdem animis, & pectore eodem

OCTONARIVS LXVIII.

Noster effectum dabit
Stanislaus, vita illi emenda veritas;
Vita litandum nomine pro innucæ
Libertatis & æqui.
Sed neque hanc tamen vicem
Dici fas miserum, omnibus beatum
Quin modis, cui ferre aliquid licuit
Vulnificæ illius crucis, ad quam

OCTONARIVS LXIX.

Nos ferendam sedulo
Inuitat, ipse baiulans prior crucem
Christus redemptor, spinea, mortifera,
Clavis fixa cruentis
Serta post, ad gloria
Æternique vocans coronam honoris,

D

Aureoq;

Aureo que altos folio, ipsa supra
Sydera, caelestum que reponens

OCTONARIUS LXX.

Confitas stellis domos.
Te verius te nuncupo Boleflae
Omnes supergressum numeros miseræ
Fortunæ & rationis,
Qui velut sternax equus,
Frænorum impatiens, ferox maligne
Sesili tergo, domitorem equitem
Officio tractare fideli

OCTONARIUS LXXI.

Te volentem, & cursui
Recto benignè comparantem, in aspera
Saltu nefando saxa procul, procul in
Conualles que fragosas
Detulisti, non sine
Sæua strage tua, ah miser, quo abis? quo?
Quos maniplos ire iubes? quid eum
Tam celer ipse insurgis in enses?

OCTONARIUS LXXII.

Ante sed, præludia
Furoris huius quæ dedisti exordio,
Percensere hic non est operæ premium,
Momenti licet illa

Non

Non minuti sint quoque :
Auri nempe potentia in tam acerba.
Plurimis quæque vt leuius veniant
Damna pati, dispendia lucri

OCTONARIVS LXXIII.

Quàm pusilla. busta vbi
Calumniam contrà tuam Stanislao
Et Petricus (proh mira fides) cinere
Busti excitus ab ipso,
Adfuit ferens opem.
Hæc quis falsa putat, sua ex dolosa
Metiens virtute Deo placitos.
Sed facibus quâ incesit iniquis

OCTONARIVS LXXIII.

Inuidus, contrariam
Fomo boni fundunt aquam. Vir innocens,
Qui se suo fundat pede, non temerè
Tollit laudem alienam :
Credulus quin ampliat
In multis aliis amans, quod in se
Ipse sentit. verùm ita si libitum
Inuidiæ, sunt ista minoris

OCTONARIVS LXXV.

Nec satis firmæ notæ.
At mortis haustus impigerrimè calix,

Vita que consignatus amor solidæ
Cis fraudem pietatis,
Quapiam ne ultra premi
Potest suspitione criminandi
Omnium iactura habilis facile
Rerum, animam impendisse supremum est.

OCTONARIUS LXXVI.

Aufus id, Boleflae,
Vellem haut fores, tuum que non istis malis
Nomen veniret commemorandum hodie.
Nam quis malit amara hæc
Dicta quam cum laude mel
Verum iustitiæ trutina præsto
Esse vati debet amica bonis
Parturiens, contraria prauis.

OCTONARIUS LXXVII.

Mortuus Stanislav
Pulcherrima pro veritate manu tua est,
Exceptus ipsa altaria apud, calicem
Cælestem superis tum
Ore prælibans sacro.
Cruorem ut propè cum cruore Christi
Funderet miscens proprium, noua que
Ad celebrem procumberet aram

OCTONARIUS LXXVIII.

Victima

Victima, acceptissima
Iuxtà atque preciosissima superum patri.
Damnosa sed prorsum tibi, nec satis hoc
Quippe amens habuisti,
Ut furentem impingeres
Diuo ensem in caput, & propinqua saxa
Spargerès circùm calido cerebro.
Quin patriæ summo velut hoste

OCTONARIVS LXXIX.

Proruto, cadaver in
Exanime sæuisti miseriter, alitum
Turpi gulæ, rictisque canum eijciens
Frustratim laniamen
Comminutum, improvidus,
Enectos etiam fame leonum
Nosse ventres parcere mente viris
Innocua viuentibus, & se

OCTONARIVS LXXX.

Labe continentibus
Omni. quid est? cernisné pendentum polo
Agmen volucrum hoc? officio insolito
Cæsi membra tuentum?
Colligant quæ mox pii
Mystæ, vltro reditura pristinos in
Corporis nexus; quod item haut facile,
Degener vt quisque est mage credat.

OCTONARIUS LXXXI.

Sed nepotum turba post
 Melior, sepulchri honore feruet aureo,
 Structis que sanctis ædibus accumulet,
 Certatim que tabellis
 Fixa contestantibus
 Vota insigniat, atque opis benignæ
 Nuncupet certum auxilium dubiis
 Rebus, & obnixissima figat

OCTONARIUS LXXXII.

Oscula osibus sacris.
 Adhuc feror. licet peritus non satis
 Ceu textor absolutam operam ante pe-
 pli, subrumpere filum,
 Protrahendum longius,
 Iam iam commeditans : erit canendi
 Aptior fortè hæc aliàs etiam
 Copia & accrescens cum tempore virtus.

OCTONARIUS LXXXIII.

Tu mihi salve interim
 Beate sanguis, te te ego nisi omnibus
 Præpono gavis, omnia posthabeo
 Soli ni tibi regna,
 Deferat me cor meum.
 Tu nex perniciesque gannientum ad

Gratiam,

20
Gratiam, tu firmi animi specimen,
Tu columen, veri que sequester,

OCTONARIVS LXXXIII.

Præfulum pulcherrima
Imago tu. ad quam splendidi delineent
Vitæ colores quisque suos. tibi me
Si fas deuoueo ipse.
Æmulari in maximis
Parui si quid habent, minuta prorsum
Nec mari magno leuibus tabulis
Nauigia arcentur dare cursum.



Gratum tu summi specimen
Tu columen, verique sedes

OCTOBRIVS LXXXIII

Faculum pulcherrima
Imago tu, ad quam splendori delincent
Vires colores quibus nos tibi me
Si fas denouo ipse
Amulari in maximis
Parvi si quid habent minus prosum
Nec mari magno lenibus casibus
Nauigis arcetur dare cursum

Ad hoc serua
Centum ablutam opem ante pe
pit subimpere tui
Protrahens long
Luna tam committat
Appor font hie abas euan
Cognit & accrescent carum peris vna



OCTOBRIVS LXXXII

Tu mihi salus
Beate sanguis, te se ego tui oribus
Exprobo gams, ornus pollitico
Sola a ubi regna
Ligentur cor menta
Tu sex paratichus ganoicantam ad

AD VIRVM ILLVSTREM
S A M V E L E M

EPISCOPVM CRACOVIENSIVM,

ET SVPREMVM IN POLONIA

Cancellarium:

PETRI ROYZII MAVREI HISPANI CEL-
tiberi Iurifconfulti, Carmen de fancto
Pontifice cæfo, fiue

S T A N I S L A V S.

Sæpe ego, qui cecini magnorum gaudia quondam
Heroum : folui que animos, & carmine læto
Mente procul pepuli curas : nunc triftia mœftus
Funebribus plangens numeris exordia fumam.

Aspira, magne ô Samuel, mihi fuffice carmen
Præfidiis, velut ante, tuis : & funera flenti
Ante tui cefforis ades. feu templa Deorum,
Augusti feu celfa tenet te curia regis,
Incltyta Sarmatici moderantem iura Senatus.
Siue tui rerum vacuus Pradnicis ad vndam
Fronde fuper viridi recubas: & tefta fuperba
Miraris tua, fydereo quæ tollis Olympo.

E

Qui

Qui te cumq; tenet locus, adfīs : flebile sancti
Pontificis funus dicam, qui cæsus ad aram
Ob Christum templique decus, laniatus & artus,
Infandum, Regis dextra : sparsusque per auras
A litibusque feris datus esca : fit integer olim,
Extemploque suo coierunt membra tenore.

Christe mihi causas memora, quibus excita quodam
Ira Boleslai exarsit : cur Regia dextra
Cæde Stanislaum crudeli obruncat ad aras
Pontificem & tantæ ne animis Regalibus iræ
Iustus erat præful, quo non præstantior alter,
Ore ciere viros, animosque attollere cælo :
Sarmata Sauromatas inter sanctissimus vnus ;
Fama ingens, factisque : tuus Cracouia præful.
Ast quem læta suum Scepanouia iactat alumnum :
Tantum nacta decus felix Scepanouia tellus.
Non illo quondam populos errare magistro
Fas erat : aut diuis colere impia fana relictis :
Non vitijs onerare animas, non crimine vitam
Polluere, & tacito versare in pectore fraudes.
Insidias struere, & mensas temerare veneno.
Non odisse suos, iramque laceffere diuum :
Turbatis sacris & relligione vetusta.
Non fas ignotos sine præfule figere ritus,
Et morem templis audere imponere diuum :
Sanctior ac æui quæ gens tulit illa prioris,
Quæque hodie vasti sequitur pars maxima mundi,
Arbitriis

Arbitriis mutare suis : & sola putare
Recta, placent vni populo quæcunque profano.
Contemptifque nouos patribus præscribere cultus ;
Sit tanquam afflatum meliori numine vulgus ,
Ceu rigeant proceres : sit flamine plena Deo plebs.

Qualia monstra gemens nostra ægre sustinet ætas :
Iactatusque facer tot tempestatibus ordo.
Tuque adeò Romane pater, cui terra fretumque,
Cui styx mortali, melior cui paret Olympus :
Indignans latè spoliatis aspicias aris.
Sarmatiamque doles tantum in discrimen iisse
Sacrorum, male vicinus quam perculit error.
Et nisi nos tandem cælo Deus æquus ab alto
Respectet miseros, frustra tua fulmina torques :
Æternaſq; neces & nigra minaris auerna.
Viueret ô vtinam, & vitales carperet auras :
Perpetuumq; colo Lachesis deduceret æuum.
Talia non illo molitus Sarmata quondam
Pontifice est, Saxo arua licet vicina teneres :
Saxo nouæ assertor pietatis, & improbus auctor :
Diuini Saxo verbi importunus adulter.
Urgebat dictis populos, iusſifq; premebat :
Ore potens præful, vitaq; verendus honesta.
Regem ille ac populum nullo discrimine habebat ;
Numina lædentem, sic carpere suetus vtrumque,
Effet vt vpilio Regi par : purpura nullos
Principis, aut maius facinus sentiret honores.

Quin sæpe in Reges maioribus excitus iris
Antistes ruit, ac verbis exarsit acerbis :
Crudelis læti fuit Olli vnde omnis origo.
Quippe Boleslaum, gentis qui scepra Polonæ
Sauromatum late populorum & regna tenebat ,
Dum carpit præsul, magnisq; licentiùs ausis
Increpat : exuere & vitiis, & crimine tentat :
Quo se Rex, quoq; augustos foedarat honores
Plurimus, impleratq; odiis vrbesq; , domosq; ,
In se se : atque sui oblitus Diuumq; hominumq; ,
Quicquid erat nil Rex vitiorum liquit inausum.
Quid memorem ciues cædentem, urbemq; suorum
Sanguine foedantem, populantemq; omnia ferro
Matres, infandum, (quod postera nesciat ætas)
Ablatis gremio natis, fugenda ferarum
Vbera dant catulis : sæuo cogente tyranno.
Hæc bonus Antistes dum iusta percitus ira
Castigat, Regemq; iubet meliora monenti
Parere : & facilem voces audire Deorum,
Illius in se se exacuit crudelia corda :
Armauitq; manus. at non tamen abstinet audax
Incæpto, videat quamuis sibi dira tyrannum
Fata parare : necemq; atrocem & funera sæua.
Ergo secreto non iam Regem admonet ore,
Sæpius indigne Regali pulsus ab aula :
Publica non iam vox sat erat, non carmina dira,
Quæ in ditis mittunt hominem pallentia Regna,
Exortemq;

Exortem que boni faciunt, vitæ que beatæ.
Facto opus est. templis Diuum, atque altaribus arcet
Regem infelicem, conclusis vndique valuis:
Qua Rex it, gressum que infert in templa Deorum.
Talibus in Regem præsul fortissimus vsus,
Tantum vindex scelerum, vitæ que nefandæ:
Qua se Rex, qua que Augustos foedarat honores.
Ille autem accensus furiis, victus que dolore,
Tantum Pontificis tolerare haud iam potis ausum:
Multorum victor populorum ô, inquit, ab vno
Sacrifico vincar? me, quem Scyta, quem que Valachus,
Quem Moschus tremit, & quicquid stans aspicit arctos,
Imbellis pulsat manus, atque altaribus arcet
Diuum, conuentu que hominum, mihi dira minatur
Excidia: infernos que ignes, mortem que perennem.
Ah ego, qui nuper Ruthenum Marte subegi:
Austriacas que arces, & fortis castra Moravi
Ense tuli: quo Pannonius victore tyrannus
Purpuream fundens animam terram ore momordit.
Scilicet hæc patiar? dum ferrum dextera & arma
Sustinet? & non sacrificum hunc, non hoc caput audax
Dedo neci? pedibus que meis in vulnera curro?
Dedo neci, manibus que meis in tartara mitto?
Non mihi lux hæc, non celo sol ante voluto
Occidat, & stellas accendat in æthere vesper:
Quam caput illud ego scapulis tergo que reuello;
Inuisum caput, & merita me me expleo cæde.

Eheu Rex demens, facinus qui cogitat atrox :
Pontificem templis aptum meliora monentem
Sacrilega violare manu, sanctumque cruorem
Fundere, & armata moliri funera dextra :
Quin melior monitus Antistitis audiat vltro,
Et miserandam animam scelerato crimine soluat,
Nec se præcipitem sub aperta pericula mittat.

Sed non sponte sua iam Rex miser, atque suis it
Arbitriis : agitur furiis, & turbine mentis
Huc atq; huc fertur, nec se ratione gubernat.
Quo furor impellit demens, & tristis Erynnis :
Quo rabies malefuada rapit, sine ducitur vllis
Consiliis : hominum non hunc metus, atq; Deorum
Incepto retrahit : parat arma, & milite sæuo
Cinctus it in cædem : mora longa fit omnis eunti.
Stat quocunq; loco, quacunq; occidere sede
Pontificem, atque animam scelerato abrumpere ferro.
Vlli non hominum, diuumue pepercerit aris.

Forte Stanislaus Gracchi extra mœnia præsul
(Omnia namq; illic ob regem templa filebant)
Sacra Michaelis parua faciebat in æde :
Post urbem, Casimire, tuam, qua se Istula findit :
Alluit & mistum diuiso flumine ciuem.
Huc actus furiis Rex fertur, & impete magno
Templa Dei subeat, sed misso milite, sacra
Pontificem iubet æde trahi, tractumq; necare,
Sat visum templis diuorum arisq; dedisse,

Si non pontificem sacra obtruncaret in æde.

It miles dicto parens, & iussa capessit :

Templumq; ingressus sanctum, tracturus ab ara

Pontificem : diuumq; adytis, quis numina læ dat

Ter miles vim ferre parat, ter concidit amens,

Attonitisq; animis it verso poplite retro.

Nil tamen hoc Regis sæuissima corda furentis

Mitescunt magis, aut dextra cadit vltor acinax.

Quin magis indignans, dira ceu pulsus Erynni,

In templum frendens ruit : obiurgatq; morantes

Armatos, resides animos, imbellia corda

Exclamat, qui non iam dudum ex æde reuellant

Pontificem : & sacris operantem cæde cruentent.

Succeditq; operi scelerato, & fertur in hostem

Non hostem, infelix sed quem sibi fecerat hostem.

Dextram iniecturus, iamq; auulsurus ab ara

Pontificem ; ferroq; virum violare paratus,

Atq; Deos : retro Rex it : mirabile visu,

In terramq; vlli non tactus, voluitur amens

Protinus, immotusq; iacet ceu truncus humi Rex.

Mox surgens, animoq; resumpto, rursus in aram

It : ferroq; caput facientis sacra cecidit

Pontificis, cæsumq; trahit violentus ab ara :

Ante foresq; necat templi, timuisse putandum est

Tectorum casum, & præsentis numinis iram,

Ne se se media vindex in cæde lacunar

Obruat, & sceleratam animam scelere vltor in ipso

Auferat

Auferat irata dextra Deus, & nece sæua.
Quasque furens animis violarat martyre cæso,
Ipse cruore suo sacratas imbuat aras.

Non fatis immani fuerat sæuoq; tyranno,
Pontificem vita spoliare: & sternere ferro
Sanctum Pontificem, nisi centum in frustra cadauer
Ense fecet. spargatq; sacratum corpus in auras.
Ante fores ergo non vno vulnere cædem
Expedit, offensi quid non facit ira tyranni?
In partes corpus sæuo fecat ense minutas.
Hinc caput, inde manus, dextrã hinc, atq; inde sinistra,
Inde pedes, genua hinc, diuellit ab artubus artus.
Non tergo ceruix, humerisue hæfere lacerti:
Non cruri femur, auulsis non tibia furis.
Barbarus vt quondam charo crudele perempto
Fratre furit miles, fraterna que vindicat vltor
Funera, & incumbens multa nece sæuit in hostem:
Vulnera vulneribus geminans atque ictibus ictus,
Nec se explere potest, dum spiritus artubus vllus
Palpitat: & motare animam videt eruta membra.
Præfule non aliter trux Rex se gessit in ipso;
Trux magis, heu dirus magis, heu truculentus & ille,
Barbarus ille magis, sectos, vt se expleat, artus
Discerptum que cadauer agrum iactare per omnem
Imperat: alituum que escam iubet esse ferarum.

At Deus omnipotens cælo demisit ab alto
Terribiles rostro aquilas atque vnguibus vncis

Quatuor,

Quatuor, à totidem cæli quæ partibus artus
A litibus seruent auidis, & vulture pulso.
Visa quoque in noctem medio fax lucida cælo,
Quæ sparsum illustret nocturno lampade corpus.
Quo monstro attoniti ciues, quum postera primum
Titoni croceum linquens aurora cubile
Effulsit terris, collectos vndique tollunt
Componuntque artus vna, conduntque feretro.
Hic maius sequitur, vidit quod nulla vetustas
Prodigium: coiere artus, mirabile dictu,
Inque abiere suam nullo cogente figuram.
Prima redit facies superum vi, nulla cicatrix,
Non vllæ plagæ manserunt, viuere dicas:
Frigida ni rigeant immoto corpore membra.
Protinus audita re, monstroque excita tanto,
Circumfusa ruit late Cracouia tota;
Et ciuis, Casimire, tuus: studioque videndi
Huc omnis populus, vicinaque confluit ora.
Mirantur, coiisse artus diuersa que membra,
Quæ nuper disiecta agros videre per illos.
Agnoscunt veterem faciem, diuam que figuram,
Pontificisque sui vultus: si vita maneret;
Attoniti que stupent: illum hic, hic aspicit illum,
Si credant sibi, quæ coram cernunt que, vident que.

An Rex immanis rursus tela impia sumes?
Sacriligasque manus superis infensus & æthræ

F

Intuleris

Intuleris demens, diuum & miracula solues
In que anima cassum tua strinxeris arma cadauer
Quanti olim infelix, heu quanti optaueris emptum
Pontificem intactum, & sacrum seruasse cruorem
Mox regno, breue tempus erit, depulsus auito
Lugebis tua facta exul, tecta exera quærens.

Condere corpus humi, sanctumq; inferre sepulchro
Tempus erat, nullo ne magnus honore iaceret
Martyr: magna licet populo spectare libido
Præfulis ora sui, nec se satiare videndo
Attoniti possint: aut fixa cadauer in ipsum
Lumina, & intentas valeant auertere mentes.

At tandem dant corpus humo, vili que locatus
Aggesta è terra tumulo Scepanouius heros
Maximus, exigui iuxta iacet ostia templi.
Non illi populus dare marmoris ausus honores,
Non intra delubra illum tumulare Deorum,
Non lugubre canunt: tumulum nec carmine signant.

Talia si faciant, sæuum timuere tyrannum,
Funestasque manus: iterum ne dirus in aras
Irruat, & clausa manes disturbet ab vrna:
Pontificemque suum videat Cracouia centum
Sectum in frustra iterum, discerpta que præfulis ora.

Non hæc finitimas tantum vulgata per vrbes
It fama, & crudele nefas. non frigidus axis,
Nec soli hoc septem funus fleuere triones:
Res late exierat, populo que audita Latino est,

Hesperieq;

Hesperięque omni iam Tybridis accola luget ,
Romuleusque pater, vasti datus arbiter orbis,
Terrarum cęlique potens, nigręque gehennę,
Ingemuit cęde audita, lachrymasque profudit :
Excideratque agro prope vertice sacra tiara ,
Dextraque vix sceptrum tenuit ; cubitoque moratus
Incumbens, humeris heros caput exerit altis
Turbidus : & mixta lachrymis sic intonat ira.
Ergo crudeli Rex barbare cęde tulisti
Pontificem & cęlique virum, templique ministrum ?
Diuorumque domos temerasti martyre cęso ?
Irato pœnas olim Deus ore reposcat ,
Et des crudeles, crudelisque exigat orcus :
Regali interea nobis spoliandus honore es.
Continuoque omnem, qua se Istula fluctibus infert,
Sarmatiam diri Regali iure tyranni
Edicto soluit sacro : populumque, patresque,
Liberat imperio, Regaleque sustulit ostrum :
Iusque Boleslao Regni, indignatus, ademit.
Ferre nefas sceptrum, capiti que adhibere tiaram
Esse iubet : dirisque caput stygięque paludi
Deuouet, extinctisque canit mala carmina flammis :
Pręsentans illi tenebras noctemque profundam.

Talibus immanis factum crudele tyranni
Castigat, cędemque pater Romanus inultam
Haud finit : & fufum non olim impune cruorem

Pontificis iusta percussus vindicat ira.

Præterea sacris imposita silentia templis.

Non fas pontifici solennes ducere pompas,

Non canere ante aras, vocesque attollere cælo.

Murmurat in templo demissa voce sacerdos,

Valuarumque homines obiectu submouet aris.

Pulsa nec excelsis resonant in turribus æra,

Temporibusue suis populo dant signa vocato.

Luce sub extrema si quem sua fata vocarunt,

Non decus inferiæ, non vllos funus honores

Ære tulit pulso: nec mœstis vocibus hymnus

Placauit manes, veniamque poposcit Olympum.

Conduntur pura morientum corpora terra,

Indecoresque iacent quocumque in puluere ciues,

Auratumque equitem marmor non claudit auitum.

Hic quoque cernere erat, populos discrimine nullo

Ire, iugo postquam excusso spreuere tyrannum.

Vulgus honoratis, commistaque ciuibus it plebs.

Non dominum glandem ructans agnoscit agrestis

Armatus fude ferrata, non vertice nudo

Cerdo magistratum meritoque affatur honore.

Cuncta ruens, sine more furit lasciua iuuentus,

Nulla olli sat clausa domus: non vectibus vllis

Defensæue nurus, castæue fuere puellæ.

Scilicet irrumpunt magnæ in penetralia Vestæ,

Intactos thalamos, & sacros diis Hymenæos

Ausi polluere, an sanctumque auferre pudorem.

Accinctus

Accinctus ferro pauper locupletis in ædes
Currit hians prædæ, gazamq; fatigat auari.
Importuna animos mendicis addit egestas.
Ius erat in dextra, quo fert sua quenq; libido,
Irrumpit demens, campo grassatur aperto
Securus latro pœnarum, & carceris atri.
Qua fert cunq; pedem trepidat cum fasce viator,
Prætentasq; notis ludentibus expauet umbras:
Prædonem metuens ramo latitare sub omni.
Non noctem ciues horrent, tenebrasq; ruentes:
Luce furens media stricto siccarius ense
Irruat, atq; palam quemcunq; impune trucidet.
Non fora, non leges, non iudicis ora seueri,
Non vlli fasces metuuntur: vi geritur res.

Hos motus, quos ipse malis exciuerat ausis,
Arce Boleslâus nequicquam spectat ab alta:
Et spretus vana sine viribus æstuat ira.
Qui modò Sarmatiam late tremefecerat omnem,
Et fortes sumptis terrebat Theutonas armis,
Aruaq; possesso septem subiecta trioni.
Hunc nunc impauidi breuia intra mœnia ciues
Contemnunt, coramq; audent excire tumultus.
Et quod triste magis, quodq; exitiale tyranno:
Consilium proceres agitant, omnifq; senatus:
Ponere Regales fasces, & scepra negantem:
Seu perdant ferro, seu captum in vincula ducant.
Ferre Boleslai iam dudum dura nequibant

Imperia exosi, & nullis tolerabile Regnum.
Non hoc grande malum diri crinita cometa
Præluxit fax vlla, leues quæ sydera vates
Conscia fatorum dicunt, casusq; futuros,
Regnorum excidia, & Regum portendere cælo,
Cladesq; stragesq; atq; illatabile bellum.

Ergo vbi se primo sensit rumore petitem
Insidiis, cecidere animi, nec conscia tanti
Mens sceleris stetit: inuicta non pectore virtus.
Quid faciat Rex infelix & cui Regia non est
Tuta sat iratis patribus & subeat ne periculum &
Cogitat instanti se se subducere fato,
Molitur tacitamq; fugam, Regnoq; relicto
Cum paruo ratus exilium sibi quærere nato.
Pannoniam venit, Regemq; petiuit amicum:
Eiectum regno quem quondam in scepra reduxit.
Illic non aurum, non illic Regia Gaza,
Non structiue tori, non alta palatia desunt:
Ille modò exposcat, non vlla negata voluptas.

Hic primum sceleris memori, cum sæua quierunt
Corda Boleslao, positoq; infana furore
Excessit rabies: & pristina reddita mens est.
Multa mouens animo turbato pectore fatus,
Heu quid, ait, volui miser & aut quis me impulit error &
Sanctum pontificem, diuum, sceleratus, ad aras
Sacrilega occidi dextra, corpusq; sacratum
Centum in frustra amens secui, sparsumq; per auras
Vulturibus

Vult uribus canibusq; dedi crudelis in escam.
 Quis Deus huc adigit, demonue quis abstulit agro
 Mentem animumq; mihi? quin protinus ima dehiscis
 Terra? nigrosq; aperis manes, Acherontaq; dirum.
 Ditis Regna patris, multo loca sulphure fæta,
 Et pœnis, quas promerui? quin terra dehiscis?
 Et me tergemini viuentem mittis in ora
 Infaturata canis? mactandum rictibus illis?
 Aut tu fontem animam hanc cælo indignatus ab alto
 Funde pater dextra, & læuo me fulmine tolle.
 Talia iactabat, mortemq; miserrimus vltro
 Poscebat, lachrymisq; genas fœdabat & ora:
 Illia concutiens gemitu & singultibus ægra.
 Non epulas capere, aut speciosum haurire falernum
 Deliciæ iuuant vllæ, cantusq; lyrae.
 Absque cibo solem, & stellas videt absq; sopore.
 Exagitata malo mens non capit ægra quietem,
 Humida nec grauido nox prensat lumina somno.

Visa animum interea ludunt, & corpore cassæ
 Ante oculos media volitantes nocte figuræ.
 Heu, qui non acies, qui non modo tela timebat,
 Non truculenta ducum mediis in millibus ora:
 Hunc vanæ species atq; irrita terret imago.

Hinc tristis sæuas agitans in pectore curas,
 Consilij ignarus melioris, seu Deus vltor,
 Seu cœca impulerat vesania, mentis inops Rex,
 In syluas abiisse vagus lucosque profundos

Fertur:

Fertur : & à canibus vestigia nota secutis
(Queis rabiem Deus & sævas immiserat iras)
Interiisse suis, factus miser esca ferarum :
Dente truci laniatus, humi ferus occubuit Rex.

En memores iustosque Deos ! quæ funera sanctis
Manibus , in fonti que animæ ferus ille pararat ,
Hæc eadem patitur , sparsusque cadauere toto
Atra canum infelix rabidorum viscera complet :
Semianimesque feris trepidant sub dentibus artus.

At tu magnæ toros pater ô Scepanouie sacros
Sede tenes celsa , & positis stas aureus aris.
O patriæ tutela tuæ , cui Sarmata largum
Thus adolet , septem que genuflexere triones :
Et sæpe ereptis discrimine ciuibus olim,
Plurima cui totis pendent donaria templis :
Placatum precibus supremum redde tonantem
Sauromatis, cunctis que tuos defende periclis.



Va
Qu
Ma
Te
D
Et
Et
Ia
Am
Fu
Ta
Po
Ila
No
De
Al
Ex
Hu
V
An
He
No
Hu
E
Co
Se
In

